



UNIVERSITÄTS-
BIBLIOTHEK
PADERBORN

**R. P. Vincentii Brvni, Societatis Iesv, Meditationes, De
Præcipvis Mysteriis Vitæ & Passionis D. N. Iesv Christi**

Cum Veteris Testamenti Figuris, & Prophetijs, varijsque Documentis ex
quoque Euangelio depromptis, Nunc ex Italico in Latinum translata

Meditationes in Passionem Et Resvrrrectionem D. N. Iesv Christi

Bruno, Vincenzo

Coloniae Agr., 1599

VD16 ZV 2606

Meditatio 26. De flagellatione Christi.

[urn:nbn:de:hbz:466:1-59870](https://nbn-resolving.org/urn:nbn:de:hbz:466:1-59870)



MEDITATIO
VIGESIMASEXTA.

DE FLAGELLATIONE
Christi.

EVANGELIUM.

DIXIT igitur illis ter-
tium Pilatus: Quid ma-
li fecit homo iste? E-
go nullam causam
mortis inuenio in eo.
Corripiam ergo illum, & dimittam:
At illi clamabant, vt crucifigeretur;
& magis inualescebant. Tunc ergo
apprehendit Pilatus Iesum, & fla-
gellauit.

Matt. 27.

Marc. 15.

Luc. 23.

Ioan. 19.

FIGURA.

HIEREMIAS Propheta verbe-
ratus, & in carcerem coniectus
est, quod veritatem dixisset.

PRO-

- Psal. 20.* **E**T fui flagellatus tota die, & castigatio mea in matutinis.
- Isaia 50.* Corpus meum dedi percutientibus.
- Isaia 1.* A planta pedis usque ad verticem capitis, non est in eo sanitas:
- Isaia 50.* Reputauimus eum quasi leprosum, & percussum à Deo, & humiliatum.
- Ibid.* Ipse autem vulneratus est propter delicta nostra: Attritus est propter scelera nostra.

CONSIDERATIONES.

- I.** Punctū. **C**VM animaduertent Pilatus, non posse placari Iudæorum furorem, constituit in signi aliqua pœna animaduertent in Salvatore, quæ satis esse videretur ad extinguendam furentem rabiem, usque eò saltem, vt hac contenti mortem virgere non pergerent. Hoc est spectaculum magnum & admirabile, quale ab orbe condito nullum extiterat. Cui enim vnquã veniret in mētem in humeros Dei flagella casura: & Dominum cælorū, Creatorem rerum omnium omnipotentem & gloriosum Deum eò descensurum, vt ad columnam ligaretur, tanquam mancipium & latro grauius plagis diuerberaretur. Hæc tamen
omnia

omnia effecit, anima mea, grauitas culpae tuae, & immensitas diuinæ in nos caritatis. Tam graue erat vulnus nostrum, vt ad illius curam opus esset tam acerbo & crudeli remedio.

Considera quàm inhumaniter lictores diripiant vestes de Saluatoris corpore, quomodo ipse patiatur se nudari nec os aperiat, nec vocem mittat ad tantam inhumanitatem & inuerecundiam. Stat ergo vestibus nudus, pulcherrimus omnium mortalium. Sed verbis explicari non potest quàm grauis fuerit hic pudor virgineo Christi cordi, vt nudus coram tot impudicis & sceleratis, hominibus consisteret. Etsi enim ipse, quod peccato careret, nullum haberet pudoris causam, tamen quod in similitudine carnis nostræ esset, virtute verecundiæ præditus erat, idque tanto excellentius, quanto sine comparatione cum aliorum Virginitatem tum castissimæ Matris pudicitiam sua puritate, superabat. Vide præterea quomodo diuina illa brachia, quæ cælum sustinent, distracta sint, & duris funibus non sine acri doloris sensu ad columnam alligata, quam columnam, pro animæ tuæ redemptione, dulcis Iesus magno cum amore & desiderio est amplexatus.

Ibi

Ibi impij milites incipiūt virgis, & horribilibus flegellis sæuire, in carnem māfuetissimi illius agni, sic vt dum sine misericordia repeterent verbera, & plagas alias super alias ingererent, & vulnera priora posterioribus amplificaret, ab illo innocētissimo corpore sanguinis riuui in terram vsque defluerent.

Vide quomodo Dominus Angelorum stet solus inter tot crudeles carnifices, nec vllum habeat, qui se defendat, aut pro se roget. O si quis cogitando esse qui posset, delicatissimi illius corporis dolores, multoque magis crudeliores alios, quibus animum eius lacerabant peccata, & ingratus animus noster! Ver-tebat dolore afflictus Iesus, dolens caput, nunc in hanc, nūc in illam partem, circumspectans lacrymosis & misericordibus oculis, nunc hunc, nunc illum ex crudelibus illis ministris, si forte in quoquam illorum reperiret vestigium aliquod humanitatis & misericordiae. Sed heu! omnes videt suis malis gaudere, & exultare supplicijs, eumque haberi misericordissimum, qui in ipsum fuisset crudelissimus.

Considera Iudaeos, quod vereretur, ne Pilatus flagellatum dimitteret, curasse, vt tanta vi a ministris verberaretur, vt
inter

inter ipsam verberationem exspiraret. Itaque cogita quo modo benedictus Iesus fuerit tractatus. Nullus fuit in corpore locus sine vulnere, nulla pars sana: sed quemadmodum Propheta prædixit:

A planta pedis usq; ad verticem capitis Isai. 53.

non erat in eo sanitas: quod ipse ita fieri voluit, eò quod in Ecclesiæ corpore mystico, pro quo patiebatur, nulla pars sana atque integra esset. O electe Fili Dei mei, quæ procella te sublatum immisit in hoc tantum mare amaritudinis? Quid commisisti, vt tantam asperitatem & ignominiam merereris? Ego sum homo ille perditus, ego sum, qui causa fui perditionis tuæ, ego vnam acerbam comedi, & dentes tui obstupuerunt, ego ille latro, qui manum extendi ad pœnam vitium, & tu pœnam quam non debebas exsoluis, vt rectè Propheta dixerit: Disciplina pacis nostra super eum: Et alius alibi: Qua non rapui tunc exsoluebam.

Isai. 53.

Psal. 68.

Considera flagrantissimum in nos Redemptoris nostri amorem, qui quatumcunque nostra causa pateretur, nunquam tamen tantum potuit pati, quin plura adhuc desideraret, idque vt re ipsa certissimum nobis clarissimumque id faceret inditium ardentissimæ & incomprehensæ in nos caritatis. Itaque cum iam
nulla

nulla pars esset in eo sana atque integra,
 manet tamen integrum & quasi recens
 desiderium maiora patiendi. Crudeli-
 ter sauciauerant & lacerauerant carnifi-
 ces totum corpus: at cor ipsius amore
 integrum & inuictum in patientia con-
 seruabat. Deficiebant lictores viribus in
 flagellando; in Christo verò non fati-
 gabatur affectus plura patiendi. Iam
 preciosa eius caro & sanguis paullatim
 in terram decidebant & planè consu-
 mebantur: sed ipse ardentia ad cælum
 emittens suspiria, formosissimum &
 innocentissimum corpus suum, offere-
 bat patri cælesti hostiam viuentem. Et
 quanquam omni ex parte crudelissimis
 doloribus vexaretur (singulæ enim pla-
 gæ, quod temperamentum corporis
 eius tenerrimum essent, ad ipsum cor
 vsque penetrabant) nihilominus tan-
 to flagrabat desiderio satisfaciendi Pa-
 tri, & hominis redimendi, vt amor qua-
 si dominans in toto ipsius animo dolo-
 res, gemitus & querelas omnes suppres-
 serit, nec posset aliud quàm amare, &
 ex amore pati.

COLLOQVIVM.

PETE à Christo, quoniam ipse amo-
 re nostri non recusauit calumnæ nu-
 dus

dus alligari, & tam crudeliter, in morem
 nouissimi serui pulsari verberibus & fla-
 gris: vt te confirmet gratia, qua patien-
 ter & moderatè omnia flegella, ab illo ti-
 bi peccatorum caussa imposita, feras, &
 quando ille ex sua virginea carne dissol-
 uere voluit æ alienum, delationum
 & superfluarum voluptatum, quod tu
 seruus vilissimus tuo corpore contraxe-
 ras: doceat te post hæc castigare & fræ-
 num adhibere carni tuæ, vt iusta asperi-
 tate & duritia vitæ eã coerceas, ne quid
 possit aduersus spiritum.

DOCUMENTA.

- 1. QVI fieri potest, vt vnquam nos
 offeramus superbia, aut vestium
 splendore capiamur, aut desideremus mag-
 ni fieri & alij esse venerationi, cum vi-
 deamus Deum nostrum cum maximo pu-
 dore nostra gratia nudatum palam confi-
 stere?*
- 2. Non defensionem, non appellationem
 à Pilati sententia Christus adfert: vt do-
 ceat nos veri amatoris esse, promptum se
 exhibere ad perferendas etiam cum culpa
 vacat, non verborum tantum, sed etiam
 verberum iniurias.*
- 3. Vt Chist^o amore nostri voluit nudari,
 ita nos animos nostros spiritualibus Patri-
 bus*

bus debemus aperire: ne ignominia nostra, extremo iudicij die, coram Christo & Angelis appareat.

4. Discamus à Christo rationem tractanda carnis: non illi scilicet assentiendū, sed rigore & asperitate continendam, & immoderatos appetitus frano regendos.

5. Si Christus passus est flagellari se ab inimicis, quanto magis decet nos lubenter accipere superiorum reprehensiones, & molestias, quas nonnunquam Deus nobis immittit, cum ab his sciamus amari nos, & salutem nostram ab ipsis quari.

6. Si tanta fuit Christi in nos liberalitas in sanguine donando, etiamne iniquū est nos erga ipsum res nostras, & nos ipsos largiendo non esse liberales?

7. Si, ut Christi exemplum docet, in hac vita flagellari signum est in altera secutura gloria; nec possumus solatijs frui simul, hic & in futuro: gaudeamus & expetamus in hac vita cum Christo flagris cadi, ut in altera gloria illius participes simus.

8. Christus de tot iniurijs & ignominijs quas à Iudais patiebatur, neque verbo questus est, neque re vlla refractarium se ostendit: ut doceat nos, in vindicando honorem Christiani non esse, sed inferenda patienter si quam accepit, iniuria.